



Til:
Efni:
Upplýsingar:

Skipulag <skipulag@olfus.is>
Re: Skipulagslýsing - Skíðasvæði í Bláfjöllum
Sent: 02-12-2019 16:12:13 af Trausti Baldursson, Málsnúmer: 2019100050, Bréfalyklar: 42-0 almennt

Tilvísun í mál: 2019100050

Vísað er til bréfs frá sveitarfélaginu Ölfusi, dags. 29. október sl., þar sem gefinn er kostur á að gera athugasemdir við skipulags- og matslýsingu fyrir aðalskipulagsbreytingu og deiliskipulag fyrir skíðasvæði í Bláfjöllum sem stendur til að stækka yfir í sveitarfélagið.

Í skipulagslýsingunni er farið vel yfir þá þætti sem þarf að skoða m.t.t. núverandi verndar- og skipulagsstöðu en svæðið er innan vatnsverndarsvæðis, fólkvangs og á hverfisverndarsvæði.

Undir kafla 4.1. er fjallað um þá þætti sem ástæða er talin til að meta. Þar er gróðurfar eða fuglalíf ekki nefnt. Náttúrufræðistofnun getur fallist á að ekki sé líklegt að t.d. fuglalíf verði fyrir miklum áhrifum það breytir þó ekki því að mati stofnunarinnar að færa þarf rök fyrir því að áhrif verði ekki metin á þessa þætti. Reyndar er gróðurfar sértaklega nefnt í kafla 4.2 undir umhverfisviðmið svo það er ekki samræmi á milli þessara kafla.

Vegna áframhaldandi vinnu við aðalskipulag og deiliskipulag fyrir skíðasvæðið vill Náttúrufræðistofnun benda á eftirfarandi:

Í lögum um náttúruvernd nr. 60/2013 er að finna ýmis ákvæði sem eru leiðbeinandi um hvernig ber að nálgast vernd náttúruminja (s.s. lífríkis, jarðminja og landslags). Náttúrufræðistofnun leggur áherslu á að í allri matsvinnu/skipulagsvinnu sé skoðað hvernig hún samræmist almennum markmiðum laganna sem koma fram í 1., 2. og 3. gr. þeirra, 1. gr. (*Markmið laganna*), 2. gr. (*Verndarmarkmið fyrir vistgerðir, vistkerfi og tegundir*) og 3. gr. (*Verndarmarkmið fyrir jarðminjar, vatnasvæði, landslag og víðerni*). Einnig þarf að skoða einstakar greinar sem geta átt við. Hér má t.d. nefna greinar 6. til 12. um meginreglur hvað varðar náttúru- og umhverfisvernd, 14. gr. um hlutverk náttúruverndarnefnda, kafla IV um almennarétt, útivist og umgengni, kafla IX um friðun vistkerfa, vistgerða og tegunda, 61. gr. um sérstaka vernd vistkerfa, jarðminja o.fl., 63. grein um frændi lífverur og svo auðvitað kafla XII um skipulagsgerð, framkvæmdir og fleira, greinar 68. til 73., þar sem komið er inn á gerð skipulagsáætlana, hönnun mannvirkja og ræktun.

Við gerð skipulagsáætlana er mikilvægt að skoða áhrif þeirra m.t.t. allra framangreindra lagagreina sem ýmist geta átt við eða ekki.

Vegna frekari vinnslu á endurskoðun aðalskipulagsins vill Náttúrufræðistofnun einnig benda á eftirfarandi gögn sem geta komið að notum: Fjölrit nr. 54, Vistgerðir á Íslandi, http://utgafa.ni.is/fjolrit/Fjolrit_54.pdf og <http://ni.is/grodur/vistgerdir> sjá jafnframt kortasjá <http://ni.is/midlun/utgafa/kort/vistgerdakort>, og Fjölrit nr. 55, Mikilvæg fuglasvæði, <http://ni.is/dyr/fuglar/mikilvaeg-fuglasvaedi> og http://utgafa.ni.is/fjolrit/Fjolrit_55.pdf. Jafnframt er bent á að stofnunin hefur nýlega lagt til við umhverfis- og auðlindaráðuneytið, að vernda skuli ákveðin svæði á landinu og að þau verði sett á framkvæmdaáætlun eða B-hluta náttúruminjaskrár í samræmi við lög nr. 60/2013. Öll svæðin má sjá hér: <http://ni.is/midlun/natturuminjaskra> en einnig má skoða tillögurnar í kortasjá, <https://natturuminjaskra.ni.is/>. Á það skal bent að tillögur Náttúrufræðistofnunar til ráðherra eiga eftir að fara í formlegt ferli í samræmi við 36. grein fyrrgreindra laga. Á þessari stundu segja tillögurnar því ekkert um hvort ákveðið skipulag/starfsemi falli að verndartillögu eða ekki eða hvort tillaga nái fram að ganga. Náí tillögurnar fram að ganga á einnig eftir að fjalla um skilamála sem varða verndina. Það skal því ítrekað að hér er um faglegt álit Náttúrufræðistofnunar að ræða sem eftir á vinna úr í samræmi við lög um náttúruvernd. <http://ni.is/midlun/natturuminjaskra>

Einnig má finna upplýsingar um 61. gr. laga um náttúruvernd hér: <https://ni.is/midlun/utgafa/kort/serstok-vernd>

Yfirlit yfir valista má finna hér: <https://ni.is/midlun/utgafa/valistar>.

Náttúrufræðistofnun leggur áherslu á að allar ákvarðanir í mats- eða skipulagsvinnu byggji á sem bestum þekkingargrunni hvað varðar náttúrufar og að alltaf sé leitað leiða til að koma í veg fyrir neikvæð áhrif á náttúruna.

Náttúrufræðistofnun áskilur sér rétt til að koma að frekari athugasemdum á síðari stigum þessa máls

gerist þörf á því.

Virðingarfyllst,

Trausti Baldursson
Náttúrufræðistofnun Íslands
Icelandic Institute of Natural History
Urriðaholtsstræti 6-8
210 Garðabær
Sími/Tele: 590 0500
Email: trausti@ni.is



Frá: Skipulag <skipulag@olfus.is>

Dags: 29-10-2019 11:00:18

Til: Skipulagsstofnun <skipulag@skipulag.is>, "Umhverfisstofnun (ust@ust.is)" <ust@ust.is>, "hsl@hsl.is" <hsl@hsl.is>, "hhk@heilbrigdiseftirlit.is" <hhk@heilbrigdiseftirlit.is>, "ni@ni.is" <ni@ni.is>, "skrifstofa@vedur.is" <skrifstofa@vedur.is>, "gardabaer@gardabaer.is" <gardabaer@gardabaer.is>, "hafnarfjordur@hafnarfjordur.is" <hafnarfjordur@hafnarfjordur.is>, "skipulag@reykjavik.is" <skipulag@reykjavik.is>, "skipulag@kopavogur.is" <skipulag@kopavogur.is>, "ski@ski.is" <ski@ski.is>, "gunnlaugur.bragi.bjornsson@reykjavik.is" <gunnlaugur.bragi.bjornsson@reykjavik.is>

Efni: Skipulagslýsing - Skíðasvæði í Bláfjöllum

Tillaga að skipulags- og matslýsingu

Bæjarstjórn Sveitarfélagsins Ölfuss hefur samþykkt að auglýsa tillögu að skipulags- og matslýsingu fyrir aðalskipulagsbreytingu og deiliskipulag í samræmi við 1. mgr. 30. gr. skipulagslaga nr. 123/2010.

Lýsingin er vegna stækkunar á skíðasvæðis Bláfjalla til austurs þar sem brekkur, göngubraut og ný diskalyfta verður í landi Ölfuss.

Lýsingin er unnin af Landslagi, dagsett september 2019.

Nánari upplýsingar í viðhengi.

Þeir sem telja sig eiga hagsmuna að gæta er hér með gefinn kostur á að gera athugasemdir við tillöguna eða gefið umsögn til **2. desember 2019**.

Erindið verður einungis sent rafrænt.

cid:0081783a-0abe-414e-9222-f813453c2541

Skipulags- og byggingasvið Ölfuss

+ 354 480 3800

www.olfus.is / www.facebook.com/sveitarfelagid.olfus